



GRADONAČELNIK

Broj: 07-1192-2/26

Datum: 04.06.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-1192/26 od 21.05.2026. godine za javnu nabavku radova: „Uređenje i adaptacija prostorija JU Centar za kulturu i informisanje Srebrenik“, d o n o s i:

ODLUKU O IZBORU PONUĐAČA

I

Prihvata se preporuka Komisije, prema Zapisniku broj: 07-1192/26 od 21.05.2026. godine te se Ugovor za javnu nabavku radova: „Uređenje i adaptacija prostorija JU Centar za kulturu i informisanje Srebrenik“ za LOT 2 – Nabavka i ugradnja elektro materijala i opreme u JU Centar za kulturu i informisanje Srebrenik u ukupnom iznosu od 10.400,00 KM (cijena bez uračunatog PDV-a), odnosno u iznosu od 12.168,00 KM (cijena sa uračunatim PDV-om), dodjeljuje ponuđaču „ELVIK“ d.o.o. Srebrenik a u skladu sa ponudom broj: 129-3/26 od 15.05.2026. godine i Izvještajem o toku i završetku e-aukcije od 25.05.2026. godine.

II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.





OBRAZLOŽENJE

Odlukom o pokretanju postupka za javnu nabavku radova: „Uređenje i adaptacija prostorija JU Centar za kulturu i informisanje Srebrenik“, broj: 07-1192/26 od 24.04.2026. godine, pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 58.066,00 KM (bez PDV-a), a za LOT 2 iznosi 14.106,00 KM (bez PDV-a).

Obavještenje o nabavci predmetnih radova objavljeno je na Portalu javnih nabavki dana 27.04.2026. godine pod brojem: 761-1-3-44-3-80/26 i sažetak Obavještenja o nabavci, objavljen u „Službenom glasniku BiH“ broj: 31/26 dana 05.05.2026. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. **„ELVIK“ d.o.o. Srebrenik**, broj ponude: 129-3/26 od 15.05.2026. godine u iznosu od 14.076,00 KM (bez PDV-a);
2. **„PRO LASER“ d.o.o. Tuzla**, broj ponude: 20-26 PL od 14.05.2026. godine u iznosu od 14.100,00 KM (bez PDV-a)

Komisija je utvrdila da su ponude ponuđača **„ELVIK“ d.o.o. Srebrenik i „PRO LASER“ d.o.o. Tuzla potpune, prihvatljive i pravilne**, odnosno da su ponuđači dostavili dokaze tražene tenderskom dokumentacijom.

Računskom provjerom nisu uočene računске greške.

Obzirom da je za predmetnu nabavku predviđeno provođenje e – aukcije ista je zakazana za 25.05.2026. godine u 10:00h. Kriterij za izbor ponude je *najniža cijena*.

Na osnovu Izvještaja o toku i završetku e-aukcije od 25.05.2026. godine, Komisija je konstatovala da je za javnu nabavku radova: „Uređenje i adaptacija prostorija JU Centar za kulturu i informisanje Srebrenik“ prvorangirana ponuda ponuđača ponuđača „ELVIK“ d.o.o. Srebrenik u iznosu od 10.400,00 KM (cijena bez uračunatog PDV-a), odnosno u iznosu od 12.168,00 KM (cijena sa uračunatim PDV-om) prihvatljiva i predložila je Gradonačelniku prihvatanje iste ponude, a shodno članovima 64. stav (1) tačka b) i 70. Zakona, donošenje Odluke o izboru ponuđača „ELVIK“ d.o.o. Srebrenik te po ispunjenju uslova zaključenje ugovora u naprijed navedenom iznosu sa imenovanim ponuđačem za predmetne radove.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz



tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 2x
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi



GRADONAČELNIK

Adnan Bjelić